

## PRIJEDLOG

Na osnovu člana 15. Zakona o udruženjima i fondacijama („Sl. novine FBiH“, br. 45/02) i člana 40. Statuta Udruženja poslodavaca FBiH, Skupština **Grupacije poslodavaca SBK/KSB** na sjednici održanoj dana \_\_\_\_\_ godine u Travniku donosi:

### **P R A V I L N I K O ORGANIZACIJI I RADU GRUPACIJE POSLODAVACA SBK/KSB**

#### **I OPĆE ODREDBE**

##### **Član 1.**

Pri Udruženju poslodavaca u FBiH formira se Grupacija poslodavaca SBK/KSB (u daljem tekstu: Grupacija).

Grupacija je shodno Statutu Udruženja poslodavaca u FBiH oblik dobrovoljnog udruživanja članova Udruženja poslodavaca u Federaciji BiH (u daljem tekstu: Udruženje), a čija je osnovna djelatnost zaštita interesa članstva iz SBK/KSB (u daljem tekstu: Kantona).

Grupacija sve svoje djelatnosti obavlja u okviru Udruženja.

##### **Član 2.**

Ovim Pravilnikom utvrđuje se svrha i djelatnost, naziv i sjedište, članstvo, organizacija, organi, način izbora tijela i odlučivanje, finansiranje, prestanak rada i druga pitanja značajna za rad Grupacije.

##### **Član 3.**

Ciljevi Udruženja su istovremeno i ciljevi Grupacije, s tim što Grupacija svoju aktivnost naročito usmjerava na:

- zaštitu prava i interesa članica Kantona,
- praćenje i izučavanje privrednih tokova u Kantonu,
- unaprjeđenje zajedničkog tržišnog i poslovnog nastupanja,
- razvoj i promoviranje poslovnih odnosa uz izražavanje posebni interesa

- zastupanje interesa članova pri Vladi, Ministarstvima i drugim tijelima kantonalne vlasti,
- uključivanje, putem zakonom dozvoljenih postupaka i razvojem saradnje sa nadležnim tijelima, u postupke donošenja zakonskih i podzakonskih akata u vezi sa djelatnošću, te drugih djelatnosti od interesa za svoje članove,
- kolektivno pregovaranje, te sudjelovanje u sklapanju kolektivnih ugovora kojima se uređuju pitanja iz radnih odnosa i u vezi s radnim odnosima,
- kao i na druge ciljeve od značaja za rad članica.

#### **Član 4.**

Grupacija može u suradnji s nadležnim kantonalnim organima i organima Udruženja, pokretati inicijative i predlagati mjere ekonomske politike koje se tiču poslovanja njenih članica.

#### **Član 5.**

**Sjedište Grupacije je u sjedištu Udruženja.**

Udruženje za potrebe rada Grupacije može otvoriti ured u Kantonu.

## **II ČLANSTVO U GRUPACIJI**

#### **Član 6.**

Članovi Grupacije su članovi Udruženja iz Kantona.

Članstvo u grupaciji je dobrovoljno.

Članovi iz stava 1. ovog člana organiziraju se u Grupaciju da bi mogli uspješno raditi i uticati na unaprjeđenje rada i poslovanja u svojim djelatnostima, na usklađivanju svojih posebnih i pojedinačnih interesa sa zajedničkim interesima članova Grupacije i Udruženja, te sa općim interesim privrede na području Kantona, FBiH i jedinstvenom tržišnom i privrednom prostoru u BiH.

#### **Član 7.**

Svojstvo novog člana Grupacije stiče se učlanjenjem u Udruženje poslodavaca u FBiH a u skladu sa Statutom Udruženja i ovim Pravilnikom.

### **Prava i dužnosti članova grupacije**

#### **Član 8.**

Članovi Grupacije imaju ista prava u pogledu obaveza i odgovornosti.

Prava, obaveze i odgovornosti članova Grupacije su:

- upravljaju aktivnostima, poslovima i unapređuju organizaciju rada Grupacije,
- poduzimaju aktivnosti na promicanju i zaštiti interesa članova Grupacije,
- pokreću inicijative i utvrđuju prijedloge za donošenje mjera iz oblasti razvojne i ekonomske politike, kao i privrednog i društvenog sistema na području Kantona,
- razmjenjuju informacije od interesa za uspješno obavljanje djelatnosti,
- poduzimaju aktivnosti na realizaciji vlatitih projekata,
- ostvaruju suradnju sa nadležnim kantonalnim tijelima, organizacijama i drugim institucijama Kantona radi zaštite interesa članova,
- aktivno sudjeluju u radu Udruženja i Grupacije,
- ravnopravno učestvuju u radu organa i tijela Udruženja,
- imaju pravo da budu birani u rad tijela drugih institucija u kojima je potrebno imenovati predstavnike poslodavaca,
- pridržavaju se Statutom utvrđenih prava i obaveza članova,
- moralno i na drugi način podupiru djelatnosti i ugled Udruženja,
- poštvavaju dogovorene profesionalne standarde i Kodeks profesionalne etike Udruženja.

Sva prava i obaveze članova iz prethodnog stava realizuju se u koordinaciji sa Udruženjem.

## **Članarina**

### **Član 9.**

Članovi Grupacije potvrđuju svoje članstvo u Grupaciji uplatom članarine Udruženju.

Članovi Grupacije uplaćuju članarinu na osnovu Odluke o visini članarine Udruženja poslodavaca FBiH.

Članarina se uplaćuje na račun Udruženja poslodavaca u FBiH - podračun Udruženja za Grupaciju poslodavaca SBK/KSB, kojim raspolaže ovlašteno lice Grupacije.

### **Član 10.**

Odlukom Upravnog odbora Grupacije može se uz članarinu iz člana 9. odrediti i obaveza plaćanja posebne članarine ili priloga u cilju finansiranja posebnih djelatnosti ili aktivnosti Grupacije.

Donacije Udruženja koje obezbjedi Grupacija koriste se u svrhe rada Grupacije.

## **III ORGANIZACIJA I RAD GRUPACIJE**

### **Član 11.**

Rad Grupacije je javan.

Organi Grupacije kroz infrastrukturu Udruženja poslodavaca FBiH (mediji, časopisi, publikacije Udruženja i dr.) izvještavaju članove i javnost o ciljevima i aktivnostima Grupacije. Po potrebi to čine i samostalno kroz dostavljanje dokumenata, zapisnika i slično.

#### **Član 12.**

Grupacija ne može svojim aktivnostima nanositi štetu Udruženju, grupacijama Udruženja i njihovim članovima i ostalim Udruženjima te dovoditi u neravnotežan položaj druge djelatnosti, odnosno grane privrede.

#### **Član 13.**

O poslovima i pitanjima iz svoje nadležnosti Grupacija donosi prijedloge i zaključke samostalno, pridržavajući se smjernica i stavova Skupštine i tijela Grupacije, nadležnih organa i tijela Udruženja i u skladu sa ustaljenim običajima poslovnog morala.

#### **Član 14.**

Grupacija može, u okviru svoje djelatnosti neposredno upućivati prijedloge nadležnim tijelima Udruženja i tijelima Asocijacije poslodavaca BiH, radi rješavanja određenih pitanja i poduzimanja odgovarajućih mjera od interesa za Grupaciju ili pojedine članove kada nisu u suprotnosti sa općim interesima članova ove Grupacije ili Udruženja u cjelini.

#### **Član 15.**

Stručna pitanja, problemi i aktivnosti iz nadležnosti Grupacije, zavisno od njihove prirode razmatraju se i rješavaju u okviru Upravnog odbora Grupacije i njenih drugih radnih tijela (komisija).

### **Organi Grupacije i način odlučivanja i upravljanja**

#### **Član 16.**

Članovi Grupacije upravljaju organizacijom kroz slijedeća tijela:

- **Skupština Grupacije**
- **Upravni odbor Grupacije**

- **Komisije**

**Skupština**

**Član 17.**

Skupština Grupacije je najviše tijelo upravljanja radom i poslovanjem Grupacije. Skupština Grupacije:

- donosi Pravilnik o organizaciji i radu Grupacije, njegove izmjene i dopune, te druge opće akte određene ovim Pravilnikom,
- imenuje predsjednika i zamjenika predsjednika Skupštine Grupacije,
- imenuje predsjednika, potpredsjednika i članove Upravnog odbora Grupacije
- imenuje članove ESV-a Kantona i predstavnike u druge institucije u koje je potrebno imenovati predstavnike poslodavaca,
- utvrđuje opću politiku rada i djelovanja, te donosi temeljne odrednice za program rada,
- razmatra i zauzima stajalište o izvještajima tijela Grupacije u skladu s odredbama ovoga Pravilnika,
- odlučuje o prestanku rada Grupacije,
- donosi Poslovnik o svom radu,
- predlaže članove Grupacije za predstavnike u Skupštini, Upravnom odboru Udruženja poslodavaca u FBiH, te ESV FBiH i drugim institucijama u skladu sa Statutom Udruženja.

Po potrebi Skupština može osnivati i imenovati odgovarajuća tijela, kad je to potrebno radi rješavanja pojedinih pitanja, u skladu s odredbama ovoga Pravilnika.

**Član 18.**

Skupštinu Grupacije sačinjavaju svi članovi Grupacije.

Kvorum za rad Skupštine je 20 prisutnih članova.

**Član 19.**

Redovne sjednice Skupštine Grupacije održavaju se najmanje jednom godišnje.

U slučaju potrebe može se sazvati vanredna sjednica Skupštine. Vanredna sjednica Skupštine može se sazvati radi rješavanja posebno značajnih pitanja za rad Grupacije.

**Član 20.**

Sjednicu Skupštine Grupacije saziva i predsjedava joj Predsjednik Skupštine Grupacije, a u slučaju njegove spriječenosti potpredsjednik Skupštine Grupacije.

Poziv za sjednicu Skupštine Grupacije upućuje se članovima Skupštine najkasnije sedam (7) dana prije dana održavanja sjednice.

Poziv za vanrednu sjednicu upućuje se članovima Skupštine najkasnije tri (3) dana prije dana održavanja sjednice.

U pozivu za sjednicu treba naznačiti prijedlog dnevnog reda sjednice, mjesto njena održavanja i vrijeme početka rada.

Uz poziv za sjednicu Skupštine članovima se dostavljaju svi materijali pripremljeni za Skupštinu.

#### **Član 21.**

Svaki član Skupštine Grupacije ima pravo glasa.  
Svaki član Skupštine Grupacije ima jedan glas.

Odsutnog člana Skupštine Grupacije može u glasanju zamijeniti drugi član Skupštine Grupacije, uz pisanu punomoć za glasanje.

Glasanje na Skupštini je javno.

#### **Član 22.**

Skupština Grupacije donosi odluke o prestanku rada Grupacije, te donošenju novog ili promjeni postojećeg Pravilnika dvotrećinskom (2/3) većinom glasova prisutnih članova Skupštine grupacije, a sve ostale Odluke donose se običnom većinom glasova prisutnih članova Skupštine Grupacije.

#### **Član 23.**

Na sjednici Skupštine Grupacije vodi se zapisnik, u koji se moraju zabilježiti doneseni zaključci, odluke i rezultati izbora.  
Zapisnik sa sjednice Skupštine Grupacije potpisuje Predsjednik Grupacije, dva ovjerivača i zapisničar.  
Zapisnik sa sjednice Skupštine Grupacije zajedno sa zaključcima i odlukama dostavlja se svim članovima Grupacije i stručnoj službi Udruženja.

### **Upravni odbor**

#### **Član 24.**

Upravni odbor je kolektivno tijelo upravljanja svakodnevnim radom i poslovanjem Grupacije.

Upravni odbor Grupacije ima slijedeće nadležnosti i ovlaštenja da:

- priprema i predlaže pravilnike i pravila iz nadležnosti Skupštine Grupacije,

- utvrđuje prijedloge za imenovanje predsjednika, potpredsjednika i članove Upravnog Odbora Grupacije,
- priprema i predlaže plan rada Grupacije,
- priprema i predlaže Izvještaj o radu,
- priprema i predlaže nacрте dokumenata koja usvaja Upravni odbor Grupacije,
- priprema i predlaže sve Odluke iz nadležnosti Skupštine Grupacije,
- predlaže predstavnike Grupacije u Upravni odbor, radna i druga tijela Udruženja poslodavaca, mješovite državne delegacije i komisije, projektne i ekspertne grupe,
- raspravlja i donosi zaključke i preporuke o temama koje su od interesa za članove Grupacije.
- Imenuje, savjetuje i nadzire osobe ovlaštene za kolektivno pregovaranje i sklapanje kolektivnog ugovora, te verificira rezultate pregovora,
- prenesi ovlasti za sklapanje kolektivnog ugovora na Udruženje poslodavaca u FBiH,
- rješava i druga pitanja koja nisu stavljena u nadležnost drugom tijelu Grupacije.

#### **Član 25.**

Upravni odbor Grupacije čini ukupno 11 članova:

Upravni odbor između svojih članova bira Predsjednika i Potpredsjednika Grupacije.

Mandat članova Upravnog odbora traje dvije godine.

Upravni odbor ostaje na dužnosti do izbora novog Upravnog odbora.

Dužnost člana Upravnog odbora je volonterska.

Prilikom predlaganja i izbora članova Upravnog odbora, treba se učiniti napor da se obezbjedi reprezentativnost članova te ravnopravna zastupljenost po regionalnoj, nacionalnoj i spolnoj strukturi.

#### **Član 26.**

Upravni odbor saziva Predsjednik Upravnog Odbora Grupacije.

Upravni odbor sastaje se u pravilu jednom u tri mjeseca.

U pozivu za sjednice mora biti naznačeno mjesto i vrijeme održavanja, te dnevni red sjednice.

Na sastanke UO obavezno se poziva i Predsjednik Skupštine Grupacije.

Upravni odbor može donositi pravovaljane odluke ako sjednici prisustvuje većina članova Upravnog odbora. Odluke se donose većinom glasova prisutnih članova, ako ovim Pravilnikom nije drugačije određeno.

Upravni odbor može po potrebi držati telefonsku ili elektronsku sjednicu.

Upravni odbor može donijeti Poslovnik o svome radu.

## **Komisije**

### **Član 27.**

Radi zaštite specifičnih interesa članovi Grupacije mogu osnovati Komisije.

Komisije se bave pitanjima od zajedničkog interesa za obavljanje, unaprjeđivanje i promoviranje neke djelatnosti unutar Grupacije, te se osnivaju radi lakšeg rješavanja određene problematike i razmjene iskustava s određenog područja.

Komisije dostavljaju prijedloge, zaključke i mišljenja drugim tijelima Grupacije, a mogu nastupati i prema vani putem za to ovlaštenih osoba Grupacije ili Udruženja.

## **Stručna služba**

### **Član 28.**

Stručne, administrativne, pomoćne i druge poslove Grupacije obavlja u pravilu stručna služba Udruženja.

U dogovoru sa Upravnim odborom Udruženja poslove iz stava 1. ovog člana mogu obavljati i druge osobe koje angažuju članovi UO Grupacije.

## **IV FINANSIRANJE**

### **Član 29.**

Finansijska sredstva potrebna za rad Grupacije i njenih tijela osiguravaju se iz članarine novo učlanjenih članica koje učlani Grupacija.

Maksimalan iznos sredstava iz prethodnog stava iznosi 70 %uplaćene članarine novo učlanjenih članica Grupacije.

Grupacija se obavezuje da će preostali iznos od 30% naplaćene članarine prebaciti na račun Udruženja poslodavaca FBiH.

## **V PRIJELAZNE I ZAVRŠNE ODREDBE**

### **Član 30.**



Ovaj Pravilnik mora biti u Skladu sa Statutom Udruženja poslodavaca u FBiH.

Ukoliko nešto nije regulisano ovim Pravilnikom primjenjuje se Statut Udruženja poslodavaca u FBiH.

**Član 31.**

Ovaj Pravilnik stupa na snagu danom usvajanja.

**Član 32.**

Izmjene i dopune ovog Pravilnika vrše se na način utvrđen za njegovo donošenje.

Sarajevo, \_\_\_\_\_

**Predsjedavajući Skupštine Grupacije**

**Broj protokola:**

\_\_\_\_\_

## Komentari na Pravilnik i Prijedlozi izmjene i dopune Pravilnika:

*Posljednja dopuna: 25-nov-2011*

1. Materijal (Pravilnik) je kvalitetno pripremljen i daje dobru osnovu za normiranje naših odnosa unutar grupacije poslodavaca SBK kao i prema trecim licima
2. Zbog efikasnijeg djelovanja bilo bi dobro organizirati buduci rad unutar Grupacije kroz sekcije (komisije) u kojima ce biti aktivne firme (poslodavci) iz srodnih djelatnosti kao na primjer:
  - industrija i proizvodnja
  - obrtnici (tercijalne djelatnosti)
  - konsalting
3. U članu 18. predvidjeti da kvorum cini veci broj clanova od predvidjenih 20
4. U članu 19. stav dva dodati "odluku o sazivanju vanredne sjednice Skupštine donosi Upravni odbor"
5. U članu 25. ispraviti gresku, jer u stavu dva stoji "i Potpredsjednika Grupacije", a treba stajati i Potpredsjednika Upravnog odbora
6. U članu 26. poslije stava jedan dodati "u odsustvu, sprijecenosti ili drugih razloga ako sjednicu Upravnog odbora ne sazove (nece da sazove) predsjednik Uprvanog odbora, sjednicu ce sazvati potpredsjednik Upravnog odbora grupacije"
7. U članu 26. posljednji stav stoji "Upravni odbor MOŽE donijeti Poslovnik"... Treba staviti da će Upravni odbor donijeti Poslovnik
8. Član 31.treba da glasi: "Ovaj Pravilnik stupa na snagu danom usvajanja na Skupštini Grupacije.
9. U članu 29 stoji:  
Finansijska sredstva potrebna za rad Grupacije i njenih tijela osiguravaju se iz članarine novo učlanjenih članica koje učlani Grupacija.  
Treba da stoji:  
***Finansijska sredstva potrebna za rad Grupacije i njenih tijela osiguravaju se iz članarine učlanjenih članica Grupacije.***